

**PRIMA SESSIONE URDINARIA DI U 2018**  
**1<sup>ERE</sup> SESSION ORDINAIRE DE 2018**

**RIUNIONE DI U 26 È DI U 27 D'APRILE**  
**REUNION DES 26 ET 27 AVRIL**

2018/O1/18

*DUMANDA À BOCCA SPOSTA DA Mma ANGELINI BURESI Vannina  
À nome di u gruppu « CORSICA LIBERA »  
Question déposée par Mme Vannina ANGELINA BURESI  
Au nom du groupe "CORSICA LIBERA*

**OGETTU :    **CARTULA MARCATI PUBBLICHI.****

O sgiò Presidente,

U 30 d'ottobre di u 2015, l'inziana maiurità di l'Assemblea di Corsica, l'ADEC è i sirvizii di u Statu par via di u prifettu, zifranu una cartula di a cummanda publica in lu settore di u bastimentu di i travagli publichi.

Hè stata intesa chì sta cartula ghjuvaria da aiutà l'imprese lucale da ch'ella sia più faciule par elle da risponde à e cummande publiche.

Ghjè stata decisa à l'accorta, ùn ripigliaraghju micca tutti i punti listinati nentru à sta cartula, ma solu certi :

- Di fà u più publicità pussibule da chì l'imprese vidissinu in tempu e pruposte ;
- Di mette in piazza un'aiutu da risponde à e dumande di l'impresarii da risponde cum'ellu si deve à e cummande ;
- D'aiutà à empie u cartularu appena pisivu, pò esse, par certe imprese micca avvezze ;
- D'aiutà à amparà à empie issu listessu cartularu di manera infurmatica, sapendu oghje chì d'ottobre di u 2018 tutti i pieghi saranu accittati solu « smaterializati » ;
- Chì l'imprese averianu a pussibilità dinò d'avè una visione nantu à a programmazione di e cummande nantu à 6 mesi...

In un siconda tempu sta cartula s'indiava à spiecà di manera precisa à l'impres micca ritenute u parchè ch'elle eranu state scartate è di fà opara di pedagugia cù l'impres e più chjuce da incuragì le à addunisce si cù d altre par risponde à i marcati troppu impurtanti par elle sole.

In fattu, o Sgiò presidente di l'esecutivu, più di dui anni dopu issa zifra, chì bilanciù ne pudete fà ?

Par i punti chì ùn sarianu ancu messi in anda, è da fà rispittà issa cartula in tantu di a cartula nova privista par uttobre, saria pussibile di mette in piazza un dispusitivu cù e sfarente camere di cummerciu è mistieru, da infurmà è furmà e nostre impres lucale à spessu e più chjuce è micca avvezze ?

Infine, par a custruzione di a cartula nova privista par uttobre, di chì manera cuntate di favorizà l'impiecu lucale (generalizazione di e clausole d'inserzione, infurmazione, furmazione eccetera) ?